







En ont Schipper van Monnikendam 1470
 Daer ons den Groten Held sijt quam
 Die eerst den Spaangiaert de see dede rinnen
 Sprack als volgt neder Scheeps Constenen



J. L. Bijlandt

Een oud Schipper van Monicken dam,
 Daer ons den Vromen Held nyt quam
 Die eerst den Spaengiaert de zee deed' ruymen,
 Sprack al dus, naerscheeps coustuymen.

Die langh leeft/ende deur ongeluck niet blindt noch dooff en wort
 die hoozt en siet ghemeenlick vele/ bysonder die niet stickiede en
 is / maer alleenlick een keningh in Zee siet / ende soo veel ghe-
 hoorst heeft / dat hy eenichsins den goeden banden quaden sangh
 kan onderschepden. Dit is my ghebeurt/ ick ben deur Godts ge-
 nade) een oudt Schipper geweest/ my is meenighe Zee waters
 over t' Hoofst ghegae n/ ende ick ben vele perijckelen ende auontueren door ghe-
 comen: dan een tijdt gheleden hebbe ick t' Ancher by Cabo del Fuego geworpen/
 nae dat ick veel op Spaignien ende oock eenige Reysen opte vzeemde Landen
 hebbe ghedaen/ soo hebbe ick nu mijn soonen de vze Rijkhe Zee overgegeven/
 hoope dat se eerlick maets sullen zyn/ ende d'selue hare kinderen oock vze nae
 laten. Ick hebbe in mijnen tijden vele ghesien/maer noch meer ghehoort: Och
 oft ick vele dinghen in mijne jeught wat beter onthouden en behartigt hadde/
 bysonder die gheene die ick in Spaengien ghesien hebbe.

Al te verhalen dat waer te lang / ick sal alleenlick segghen het wonderlicste
 daer van ick weet te spreken dat is / dat ick wel ghehoort hebbe / dat eenen ge-
 naemt Signor, die nu soo vzeed gaet / dat hem de Werelt schijnt te nauw te wes-
 sen/wel eer soo goeden Ghesel placht te zyn / dat hy hem wel te vzedden hielt met
 zyn Septkens te melcken/ zyn Vnghe-korckens te vzedden/ zyn Ozaigen/
 Citroenen/Lemoenen/Vnghe ende Rozijnen te plucken : Ende als hy soo rijk
 mocht worden/dat hy beneffens een Cap ende Rappier/Water ende Vroot met
 een Riupntgen ofte Orange-appelken ende verballen / so was hy hjo D'algo-
 ran bueno como el Rey, sonder buyten zyn Lant een Peuse upt te steken / anders
 dan in alder ootmoedicheydt/ ghevende vif-ende-t wintich besol los manos vooz
 eenen goeden dagh/jae was in dese goedertierenheyt soo seer ghewent/dat hy
 ontrent seben hondert Jaren lang onder de Mooyen ende Sarazijnen vooz jon-
 ghen heeft ghevaren/ende op gheblasen/ende gedoocht dat set zynent met staen
 de Wasten inne voeren.

Ick hebbe wel vele vzeendicheden ghehoort van eenen rostelicken crachtigen
 steen/die de Alghemisten (soo mijn dunckt) noemen Lapis Fylsop; maer andze
 segghen dattet ydelt dinghen zyn. Maer dit is waer / dat desen Signor, ghes-
 leden ontrent hondert Jaren/ gevonden heeft eenen Goudt Stock/die van Gos-
 sten in't Westen strecht, gelijk de Paelde van't Zeyden int Noord / hy noemt
 hem Las Indias. desen heeft soo wonderbaerliche crachten / hy heeft oock sulcx
 daer mede weten te hanvelen ende te schermen dat hy alle de oude ende nieuwe

Werelt deur de mensche daermede heeft neder gemaeyt als of hy Coze gemaeyt hadde/ja hy wist daermede te wege te bzenghen/dat de menschen malcanderen maeyden. Dit is wonderliken/wat soudē wy lupe Soeren binden/of sy eenen bondt hadden dat t'eene Cozen t'ander conde maeyen/en nochtans is dit waerachtich/dit sullen wy getupgen alle t'vole van Oost en West Indien/ Italen/ Duytslant/ Dancryck/ Sicilien/ Granaden/ Arragon/ Navarren/ Portugael/ ende meer andere/maer niemant beter dan de Nederlander/daerom gheloofte dit wy ten zyn gheen fabulen.

En hoewel u dit wat vzeemt dunet/so geloofte wy noch meer dat hy met dese Stock niet alleen can door slaen/t'welc niet so vzeemt en schijnt/want t'gont zyn de t'zwaerste van alle metalen/so moet immers de Stoc wel hart aencomē daer hy treft. Maer hy can daermede oock seer vziendelic streelen/t'wele so aentreckende is/dat de gene die hy met desen Stoc maer eens en bestrijckt/hoe groote vbanden sy ooc zyn/als sy t'streelen maer gedoogen/die zyn in eenen ommesien heel vergult/en nemen daerin alsulcken behagen/dat se terstont vergeten allen t'leet dat Seignor hun gedaen heeft/al had hyse hondertmael op eenen dach doen opblasen/hun Vaderlant verwoest/kercken vol volcx t'ssens vermoort/haere steden te vier en te zweerde omgeby acht/haer Vader en Moeder aen staech en levendich verbzant/en al haer goet benomen;dit alles is terstont vergeten/en sy dienen hem tot de soolen van zyn schoenen/al soudet hun leven costen. Ja het wit van haer oogen wort gansch geel/sulcx dat se geē quaet en sien wat Seignor doet/oock als sy zien dat hy by haer eyghen Wyfs en Dochters staeyt. Ende ten lesten worden sy so cleyn van Verstant/dat sy haer eyghen en haerder Vrienden hoofden hen t'hyps bzenghen/om daermede zyn belieste te doen:dit en kan ick niet begripen/desen streeck en vinde ick op myn Hollands Compas niet/maer myn Caertboec hout/dat men de gestreecke moet schouwen/als de Clippē in Zee:en dat men daer Vaerckens op behoort te setten gelijcker op de Doolwijck en op Ep-Cozt staent:dit soude die behoudenijsse zyn van menich goet Schip.

Alle dit is genoegh gebleken deur de gantze Werelt/maer als ick overdencke de vzeindicheden die Seignor int Nederlant/onze Vaderlant heeft aengericht/deur de crachten van desen Stoc,so is dit t'bermaken van mynē Ouderbō overleggende dat hy .o. Jaren lanc daermede so dapperlic heeft gestagen/gemaeyt en gestreekt/ooc den eenen Nederlander den anderen heeft doen maeyen/op hope vant gulden Dites te winnen/en zyns Vaders Crif te verliezen/sulchs dat de Velden bedect soudē zyn/indient gemaeyde daer noch oplage. Onder ander hebbe ick gesien dat hy eenen stijven Boom die voor geen stozmen opt was bewoghen met eenen slach heeft afghemaeyt/niet hy selfs/want daer en wist hy geenē raet toe/maer deur een arm Strood dat hy met dien Stock soo vergulde hadde/ende de voghen soo geēle ghemaecte/dat het in zyn eyghen verberf liep/want den Boom viel te plecteren:Maer wt desen Boom syzoot een Looften/twelck tot een lustigen Boom is opgewassen/het welcke dese Seignor vier ende twintich Jaren lanc seer veel wercx heeft gegeven/sonder dat hy met slaen of streelen eenich voordeel daerop heeft comen winnen. En dese Boom is nu die Cere vant Delt.

Van het alderseftsaemste dat ic opt hoorde of sach/is/dat Seignor noyt geen wercx heeft geweten met den Nederlander maetroos genaemt/desen is een lustighen

ghen/ rappen Zeeman/ die hem alomine dapper in synenischilde is/ want so
 dickmael als hy hem in veertich Jaren tijts te Water heeft comen cruygen so
 heeft hy hem altyt leeren danse de Courate over boort/ alwaert een Ruckvors
 gheweest/sonder dat hy opt slaen oft streelen van desen goudē Stock yet heeft
 ghepast: En ten lesten is Maetroos so moedich ghe worden/ dat hy niet een day
 yet heyt tegen Signor onder zynen Stock is ingheballen/ slaende zyn eē handt
 aent Oostepinde van dien/ende Signor houdende t Westepinde / sulcx dat hy het
 vel van zyne eyghen handen trecht/ende in dier voeghen trecken zy nu ontrent
 t hien Jaren desen Stock teghen malcanderen. Van also Signor ghe Zeeboe
 ten en heeft/soo ist tot noch toe met hem altyt opten selven dāg overboort upt
 ghecomen/ waer deur maetroos ten lesten t Oostepinde vanden Stock soo vast
 heeft ghevat/dat Signor began te roepen: Decha Villaco, Basta Trahidor, al fuego
 Lutherano. Maer matroos daer op niet passende / hielt met d'eenē handt den
 stock noch veel gheweldigher / ende leyde d'ander hant aen zyn Poingiaert
 seggende: Ghy Valcken-hout af, ofte dat gaet van Oosten in, midden deur u Wam
 bays, datter van Westen uytcōmt, ende met eenen ghaf matroos soo vzeesselicken
 schap met zynen verstaelden Poingiaert indē straet/ datter t byer uyt spranck/
 waer over Signor soo seer verschychte/dat hy synen stock (sonder den welken
 hy wederom soo ootmoedigh soude zyn als te vooren) meynde quijt te gaen.

Dies hy slende dattet slaen hem was belet/dat hy oock niet en conde maepen/
 soo lange matroos t een epinde vanden stock vast hielt / ende als hy om t West
 epinde soude moeten krabbelen: Ende indien hy desen gouden stock eens quijt
 ginck/dat hy hem niet eenen Coperen stoc soude moeten behelpen/ alsoo dat hy
 te huys geenen ander en conde vindē/ en dat hy daer mede niet en soude comē
 upt rechten/soo heeft hyt op schoonspreke aengheleydt / denckende het is beter
 t slach afte zeplen / dan mynen gouden stock teghen een paer Zeeschoenen te
 abouneren/ende alsomen seyd / dat hy minnermeer en predickt dan onder de
 Galghe/soo moet hy al wel beangst zyn geweest/ seggende: Signor matroos,
 weest doch niet soo quaet/ denckt om uwe Conscience / wilt ghy mynen stock
 nemen die ick hondert Jaren ghehadt hebbe? Laet my die behouden / my sulle
 seer goede vrienden zyn/ende ick sal u daer teghen laten behoude u eygē schip
 mer Couw ende Caeckel/ staende en loopende Want/ sepl/ Crepl/ en al watter
 toebehoort/sonder dat ick yet daer op sal pzetenderen / ghy sult een vachtgen
 Wygen mogen laden/ende sult een vry Schipper zyn/dies en sult ghy niet Oost
 noch West varen/soo verre myn stock streckt / comt ghy daer bliuen / soo moet
 ghy (sonder teghenspreken) lyden/ dat ick u om d'oozen soude slaen // anders sal
 ick u maecken vry schipper tot daer en toe. Jae wat praet is my dit / seyde
 matroos/ en lust u niet te lachen / desen Walck wil op myn schip pzeutelen/daer
 hy niet een Nagel aen en heeft/ hy meynt my te payen niet myn eyghen ghelt:
 Wat spul is my dit: desen Walck soude my vry schipper maecken / ghelijck de
 Ezels Doctoren maecken/widts dat hy inde Capute en ick opden Ballast soude
 leggen/ende mits dat ick niet en soude varen dan om Wygen ende Capravens/
 ick soude vry schipper te voet zyn: It al Gack/neen/neen / myn Vader was
 een goet schipper/ die heeft my al anders gheleert/hy sprack althit van hout en
 beleght/ende van geenen wint over te geven. Ten is u maer te doen om uwen
 Stock vry te hebben/omme daermede naer uwen wil te slaen ende te maepen/
 ende om my de eerste daermede om d'oozen te geven: ghy most sulck Volc noch
 8. 13.

rens te Maerden gaen soecken: Ick sal mijn Daders lessen wel ont houden/ ende
mijn eynde wel vast houden: ick sal u bet hoonen dat de Walckē geen Schippers
en maerken: Maer in dien ghy wilt dat wy voortgaen goede Ghesellen zyn/ soo
laet ons desen gheheelen Stock/ Oost ende West-eynde tusschen ons beyden leg-
ghen ende elc daer van even nae wesen/ ende wy sullen voortga als vyse Schip-
pers de Zee vande gantsche Werelt/ wy ende vancch beyde eyenschoon beseple-
ende soo goede Ghesellen zyn/ dat ghy de Courante over voort niet meer sult be-
hoeven te danffen/ soo langhe ghy my in vreden laet. Dit is recht/ soo hebben
mijne voor- Ouders gebaren daert hen ende de Coopman beliefde/ hier en heeft
niemant opt teghen gheseyt/ dan de gene die op Cabo de Grijp voeren/ ende ghy/
nu dat ghy desen Stock hebt ghekreghen/ daer mede ghy alles mepnt te dwyn-
ghen. In dien ick niet en behaeght/ soo houde ick mijn Oost-eynde vast/ ende
die de hardtste huyt met de beste Zee-voeten heft/ die sal desen Stock in't ghe-
heel behouden/ kiest oft deelt/ ick en gheve de Zee gheen Walcken ouer.

In desen Scheeps-pazet/ Seignor geen behagen hebbende/ ende niet wel we-
tende wat hy daer op soude seggen/ soo liepen zyn sinnen om en wederom/ gelijck
den Windt inde Meyse. Den Stock even schoon tusschen beyden te legghen/ en
om de beste Drachten upt te sien/ daer toe en heeft hy niet veel moeds/ siende dat
alsulcken rappen Maet zyn schip dziemael/ eer hy t'zijne eens can wenden/ ende
dat hy hem upt t'water soude varen. Ter Zee daerom te crabbelē en dient hem
niet/ hy bevindt wel dat hy gheen Indiaensche Prauwen noch Canoon voor en
heeft hy en weet geen raet om Zee-schoonen: ende veel meer alsulcke Couran-
ten te danffen/ daer van heeft hy zynen buyck al vol/ hy siet wel dat hy over dien
hoegh gheen Landt en soude beseplen.

Maer evenwel Seignor weet dappels quaet/ hy salt in hondert baten gieten/
lieber dan hy tegen Maet-roos om den Stock soude pluck-haren: Ick hebber
wat van gehooft/ dan en weet niet of ick t'wel soude comen na- segghen/ dat hy
een Cruyt soecht dat hy lange Trebes noemt/ t'welc ic niet kenne/ ick en vint
oock inden Aptreck niet/ dan een oudt Doctoer heeft my gheseyt/ dat dit krypt
wel bereypt ende ingenomen/ welc enighe Jarenlang doet slapen. Conde Seignor
met schoon praeten soo verde comen/ dat Maet-roos dat wilde innemen/ so waer
hy klaer/ wat conste waert voor hem zyn Stock wy te crighen/ als Maet-roos
soo langhe wilde slapen/ want ghenomen oft hy zyn eynde al slapende conde vast
houden/ des ick niet en geloofte/ wat behoefde Seignor alst ten quaetken quame/
anders te doen/ dan het kleyn eyndeken handen Stock/ dat Maet-roos inde hant
heeft/ properlijck af te saghen/ soo waer pimmers zynen gheheelen Stock voort
wy: Ende oft die schoon soo weynigh coxter ware/ evenwel soude hy de selve
cracht hebben/ ende hy soude daer mede maepen ende streelen als te voor en/ wel
verskeret zijnde dat Maet-roos hem zynen Stock niet verder en soude ondergaen.
Ende ter avontueren soude hy Maet-roos daer mede al slapende soo wel streelen/
dat hy hem soude helpē maepen om een goede dagh huyse/ en om t'gulde Wlies
te winnen oft anders soude hy moghelijck ghelegentheyt vinden om Maet-roos
soo ontsacht te wycken/ dat hy den Stock niet meer tegen hem soude trecken.

Dan ick wilt nu daer by laten/ met groot verlangen/ om in mijn oude daghen
te moghen sien/ hoe dit Stock-trecken sal afloopen/ ick en bent alleen niet/ daer
isser noch vele die daer op sien: Dan soo vele moet ick noch daer toe seggen/ dat
ick wel weet dat Seignor niet en sal deugt/ indien hy deur t'een oft ander middel
desen

desen Stock by cricht / alwaer hy wat coete r/ zyn schoonspreken soude hem
wel haest zyn vergheten / hy en soude niet laten sijn om rechts om daer mede
noch dapperlick te maepen ende te schermen dan opt te vozen. En siet wel toe
Maetroos, nu ghy onder den Stock ingeballen zyt / en cont ghy hem verlatende
niet outcomen sonder gheslaghen te zyn/het moeder nu op staen / ghy en moeght
niet swichten / sonder opt lagher landt te vallen. Maer hout desen Stock wel
vast/ende peurt Westwaerts aen/ na t'ander eynde/ laet ghy hem eens gaen ghy
en krijghet hem nimmermeer weder:wacht u voor dat slaepcrupt/ als voor sijn
tekrups/ volght wacker uwen Cours / r' is om een weplich byleggenst e doek:
loopt ghy desen Boeck boven t' is behouden repse: se t by al n zeplen by / daer is
geen ander middel om de Haven van uwe cust te beseple: ghy moeght verskert
zyn / dat Seignorniet en begeert dat u voorberlick zy: hy soude u geerne schip
per te voet maken / en de Courante te lande leeren danssen:wilt ghy u niet op
gen-aes laten vangen/dan en sal niet langhe duynen/dan most ghy u niet Stock
visch/ Capravens ende Claphout gheneeren/dit is te mageren water.

Ende ghy krijghet / die hier staet en siet/als naer een Camerspel / staet mede
de handen aen t'werck / al souden die wat bepecht werden/ t'ghelt u soo wel als
Maetroos, dit is den Stock dien ghy alle soo dickwils om de vozen hebt ghadt/
ick meyne dat u noch wel gedenckt hoe dat hy smaect / Indien dat Matroos die
berlaet / ofte t' slaepcrupt in neemt / soo sult ghy weder van bystaen krijghen/
dan soud t' uwent haest opt land waepen: Ick en geloobe niet dat ghy dan lich
teijck een ander sout binden / die veertich Jaer voor u te Roer soude gaen/dan
sout ghy selfs lustich de Pock upthouwen / ende een Helmsstock inde lenden cry
gen/ Ter abontueren die veerst afstaet(al heeft hy t'gulden Vlies)soude wel de
eerste mogen zyn. Indien Matroos, oft yemant vande krijghers dese saecke
anders verstaet/so en condit ghy uwe Ghetjen niet rekenen/ende al
t' Schip stoot/soo ist te laet den Almanack besien. Daerom
siet ghelijckelick in tijt wel toe/treect eene Lynne/
vast opten Rassel/ende vaert wel.

† † † † †





1555

28368